

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj: 39/14), a nakon provedenog konkurentskog zahtjeva za dostavu ponuda za nabavku roba: „Alat za montažu hidromašinske i hidromehaničke opreme“ – tender br. **KZ 86/20** (pozicija 168. iz Plana javnih nabavki za 2020 godinu), zaključuje se:

## OKVIRNI SPORAZUM

Između:

1. **KJKP "Vodovod i Kanalizacija" d.o.o. Sarajevo**, ul. Jaroslava Černija broj 8, Sarajevo (u daljem tekstu: ugovorni organ), koga zastupa v.d.direktor Aida Pendek, dipl. ing. građ.

i

2. „**Inter-Com**“ **d.o.o. Zenica**, ul. Vrandučka br.71 b, 72000 Zenica (u daljem tekstu: ponuđač), koga zastupa direktor Safet Škaljić .

### Član 1.

Ovim okvirnim sporazumom ugovorne strane regulišu okvirna pitanja vezana za realizaciju nabavke robe: „Alat za montažu hidromašinske i hidromehaničke opreme“ za koje je proveden konkurentski zahtjev za dostavu ponuda.

Na osnovu ovog okvirnog sporazuma ugovorne strane će zaključiti pojedinačne ugovore kojim će bliže regulisati prava i obaveze za realizaciju ovog okvirnog sporazuma odnosno nabavku čija finansijska vrijednost odnosno period trajanja maksimalno može biti do iznosa i perioda utvrđenog u članu 3. i članu 4. ovog sporazuma, a što će zavistiti od potreba i interesa ugovornog organa.

Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi.

### Član 2.

Okvirni sporazum se zaključuje sa ponuđačem čija ponuda je izabrana kao najpovoljnija nakon provedenog konkurentskog zahtjeva za dostavu ponuda broj: **KZ 86/20**, objavljenog na Portalu javnih nabavki broj 247-7-1-146-3-264/20 od 16.09.2020. godine.

### Član 3.

Ukupna vrijednost ovog okvirnog sporazuma bez uključenog poreza na dodanu vrijednost iznosi: 29.876,00 KM (slovima: dvadesetdevehiljadaosamstotinasedamdesetšest KM).

### Član 4.

Okvirni sporazum se zaključuje na period od 12 mjeseci od dana zaključivanja okvirnog sporazuma.

### Član 5.

Robe koje su predmet okvirnog sporazuma su specificirane prema vrsti, količini i jediničnim cijenama u ponudi ponuđača broj:0142-142A/20 od 05.10.2020., koja je sastavni dio okvirnog sporazuma.

